

四庫全書

集部

欽定四庫全書

石倉歷代詩選卷三百二十四

明 曹學佺 編

明詩初集四十四

夏原吉

題彭希益惜陰堂

星沙控荆湖屬邑十有二羅湘甲西北山水獨佳麗彭  
君生其間鍾此山水異襟宇既軒豁丰儀逾清粹垂髫

被庭訓詩禮日講肄諄諄期有成勉無墜豈謂霜  
露嚴苦令椿木瘁彷徨痛遺業感慨念先志乾乾仰居  
諸耿耿忘食寐構堂名惜陰予以自箴勵朝斯萬卷開  
夕爾一篝繼探聖賢心玩索古今事清修日益勤閭  
奧愈深詣願言慎終始毋使虧一簣行當馭長風扶搖  
九天際功成銘鼎彝芳譽永無替

諭饑鳥

饑鳥來屋頭軒然振雙翼啞啞向我啼其意欲得食我

行顧我厨餘糗頗云積粲粲白如銀瑩瑩燥如炙足可療  
烏饑盡與非所惜緣以目前人困之動千億賑恤未有  
方夙夜慨中赤況此所餘糗顆出民力我食尚懷愧  
飼烏寧不惕饑烏勿此啼山林有榛栗

泉州次吳中書韻

區區南闕來莫英屢更易鞍馬厭道途風霜改締綵豈  
無林淵思民瘼未痊革引睇桐城樓寒雲萬山白

武康縣

湖州武康縣僻在羣山中人稀官事少土沃禾稼豐蠶  
時戶戶箔雞曉家家春鮮菱采秋夏嫩笋庖春冬廬幽  
商寡集溪曲舟艱通兒童拙市語父老高村容淳淳良  
可尚擾擾希能同愧無邵杜吏重造朱陳風作詩慰我  
民敦俗宜自隆

洪熙乙巳秋仲賜觀內苑珍禽奇獸應制賦詩  
六龍初御乾坤肅玉燭和調民阜育爰開禁籞集廷臣  
少肆餘閒閱奇蓄時維秋仲天氣清纖塵不起香風輕

虞官圉宰雜選進珍禽瑞獸紛紜呈狡獬側踞真雄猛  
鉤爪金毛晴炯炯彩毬戲罷拂霜髯百獸潛窺敢馳騁  
須臾玄鹿來軒墀豐肌黥黠猶烏犀若非食野霑煤雨  
應是尋泉墮墨池雙羊繼出仍珍美腹若垂囊背如砥  
煌煌玉轡輕籠頭軋軋朱輪低載尾花陰小大霜姿獨  
金環約項聲隆隆然盤旋倏忽作人立寧殊雪洞飛來仙  
又看千歲之神鹿毛質鮮麗實靈物羚羊緩步蒼苔邊  
修角撐空亦奇獨桺中玉鼠潔且馴朱櫻貫目脂塗唇

想應竊餌瓊芝飽故着銀袍覲紫宸  
駝雞聳立誰其侶  
駢趾青瞳高丈許或時振翼將如何  
志在冲霄學鵬舉  
雕籠鸚鵡色更奇細觀熟玩心忘疲  
呈祥雖未啣圖瑞  
調舌應能唱壽詞  
三三兩兩賓郎雀  
短喙珊瑚新琢削  
飛翔寶檻恣喧呼  
似欲臨風脫金鑰  
多情尤有白畫眉  
雙眉畫得天然殊  
從今京兆多才思  
對此應慚畫不如

題頤菴胡祭酒先生玉筍白雲圖卷

頤菴先生古君子德行文章當世美  
晨携玉筍白雲圖

訪我金臺官署裏自言先世多遺德卜居遠在金川側  
金川何處最稱奇玉笥岩崑挿天極雲開幾朶芙蓉青  
雨餘百道銀潢傾陰岩月冷玉龍蟄陽坡春暖金牛耕  
蕭家峽口尤奇麗狀若飛鵝舞空際泥江堅抱伏虎形  
瓦橋重展遊龍勢龍騰虎伏勢若何先隴正在山之阿  
林鳥泣雨下喬木野猿叫月懸春蘿時因宦轍方驅涉  
未暇栖栖理家牒聊憑縑素寄遐思用詔兒孫知祖業  
願君移孝忠吾皇致時熙皞起虞唐白頭稽首謝丹闕



清風一棹歸湖鄉  
晝看不厭夜復卧  
玉筍千古常蒼蒼  
題祝少卿西山暮景圖

少卿卓犖人中英  
襟懷萬頃涵秋清  
早登啓事典郡牧  
十年坐鎮滁陽城  
滁陽四面山如玉  
轟轟西山更奇獨  
根盤九地駭潛龍  
勢入層霄過飛鷺  
少卿閱罷天閑駒  
簿書不撓公堂虛  
捲簾靜對西山坐  
夕陽正在山之隅  
紅光黯淡照岩谷  
翠色冥濛覆林麓  
林邊散亂樵人薪  
岩畔縱橫歸騎牧  
須臾收去樵歌杳  
翠斂紅綃山靜悄

鳥旋松頂待歸雲  
雲護松窩邀宿鳥  
吁嗟此景世豈多  
匡廬泰華徒嵯峨  
少卿游宦日瞻眺  
他時遷去情如何  
一幅畫圖懸素壁  
相對醉翁時醉歌

乙酉八月二日吳江館遇京友惠斗酒為小童  
所覆

故人遠自天上來  
惠我一斗蒲萄醅  
愛之不敢容易開  
呼童捧出當庭階  
珊瑚擊碎紅泥堆  
珍珠迸入黃金杯  
一行轉我腹中雷  
再行掃我眉間埃  
三行四行愁壘摧

五行六行春風回桃花朵朵紅生腮  
胭脂點點香凝頰平原督郵走欲頽  
青州從事驚相猜客中有此真慰懷  
更無夢到糟丘臺奈何童子劣且騃  
推壺仆地如翻淮清光濕透爐邊灰  
餘香散入堦前苔為之恥兮徒有壘  
醉無成兮誰與推是知飲啄皆天裁  
毫分有素非人媒

戲贈淨慈寺僧恬靜卷

我從前日辭蓬萊飄飄飛上姑蘇臺  
臺前桂魄照秋水

一碧萬頃無纖埃喜來遂發看山興擬度錢塘攬奇勝  
片帆若被天風留一上雲居聽鐘磬雲居瀟洒雲飛飛  
中峰去後渺莫追就中忽過老禪客自云近日來淨慈  
眉峯修修散晴雪性海澄澄湛秋月煮茶揮麈共我談  
四座霏霏飛玉屑我觀不是尋常僧叢林當代應馳名  
何當携取廬嶽去相邀修靜重尋盟坐看五老香爐氣  
瀑布山中互晦明

烏夜啼

慈烏啞啞清夜啼飛來飛去無枝棲天空月冷聲慘切  
更深夜永情悲悽束家織婦年二五良人萬里操千櫓  
冬衣未寄春復臨機杼勞勞不勝苦耳邊忽聽慈烏聲  
炎炎萬感焚中局掀襟拭淚罷機杼披簾促步趨前庭  
悲悲咽咽對烏說莫向清宵學啼血妾夫別去踰三年  
魚雁迢迢至今絕願烏將妾相思情西飛啼向夫郎聽  
夫能聽分妾情達妾情達分夫心寧夫寧豈欲終忘返  
恩義須期兩無報夫能努力樹功名白髮歸來未為晚

和祭酒胡公雨中獨坐

連朝風雨泥濘深幽人不見心沉沉想應齋居有餘暇  
坐披卷籍窮古今過眼瀾翻五車熟却喜牀頭新酒綠  
開樽勸飲是何人好似顏家小銀鹿載歌載酌三杯餘  
新詩百首皆親書封題寄我意何厚恍如十二珊瑚株  
欣然便欲馳車馬走送詩壇共誇詫出門未定復入門  
無奈長空雨飛灑

經姑蘇

客路尚悠悠蘇臺鬢繫舟酒旗迷柳岸商舶隘江流三  
讓祠何古千人石更幽可憐城下水莫洗館娃愁

寄友

憶昔會皇州壺觴日勸酬一時同作客萬里各經秋湘  
浦西風棹燕山夜月樓無窮蕭索意何處寫離憂

憶別

憶別金陵日春風二月時求朋鶯語急送客燕飛遲北  
邨俄淹歲南歸未卜期遙遙天上友莫動暮雲思

東吳述懷

為客東吳郡秋過冬復深  
梅妝崑阜玉橘剪洞庭金  
顛倒還家夢徘徊戀闕心  
何時了王事蘭棹起歸音

寓雲居菴次韻答聯上人

誰闢雲居境依稀古化城  
獅柑霜過熟鳳竹雨搖輕  
石悟禪中語鐘收飯後聲  
我來臨絕頂一覽小蓬瀛

泊金沙洲

晚泊金沙洲言登洲上樓  
雲峰隨處好煙浪拍天浮  
掃



壁看遺墨憑欄數過舟家山應不遠此地且優游

登范公亭

偶上范公亭亭幽感慨生竹添今歲笋塵掩昔年繁老  
盡隨人化孤禽向客鳴欄傾不堪倚惆悵下階行

小江漁釣

小江江水綠如酒兩岸春風舞垂柳老漁落魄一事無  
三尺綸竿長在手有時釣得縮項鰻隨緣沽酒供餘年  
不圖星辰動天闕醉來即藉羊裘眠

汨羅懷古

五月五日天氣晴古羅士庶思屈平聲金伐鼓集畫艦  
浩歌競渡招沉靈沉靈不歸知何往楚國蕭蕭空草莽  
聊將一滴菖蒲漿灑向清波寄遐想

福祿曉鐘

四隣膠膠雞亂鳴叢林衲子聲寒鯨載遲載促一百八  
松雲墮碧星河傾吁嗟人生能幾永一世無殊幻泡影  
悵然聽此不能眠起坐幽窗發深省

和胡學士冬至後六日扈從獵龍山同蹇尚書

諸公遊牛首山佛窟寺詩韻

山寺迢迢一徑微  
山中景趣世應稀  
花飛澗水驚魚躍  
風引松雲伴鶴歸  
朝士來遊無俗駕  
老僧留語總禪機  
回鞭還從鸞輿後  
滿路天香暗襲衣

送禮部員外郎楊旭歸蜀省墓

京國長年振轡遊  
承恩今去省松楸  
上林鶯送春風酒  
巫峽猿迎夜月舟  
題柱長卿堪並駕  
登樓王粲更何憂

孝思已展霜翎健蚤挾天飈覲冕旒

九日

去歲今朝侍北堂今年此日寓閩鄉  
紫萸黃菊故園好綠水青山客路長  
對酒不堪成獨酌吟詩聊用寫清狂  
明晨喔喔雞聲發何處登車復省方

題荷峯雲隱圖

萬仞荷峯挿漢青當年嘉遁若為情  
田園無限幽閒趣車馬不聞來往聲  
半榻松風雲卧冷一溪蘿月釣絲輕

只今聖主求賢急林下安能老釣耕

挽故文淵閣大學士胡公光大

黑頭濡翰侍宸旒奕奕才華眷顧優豈謂藏舟移夜壑  
遽令行轍避西州人間名著黃金榜天上文懸白玉樓  
此日臨風歌楚些不堪嗚咽淚橫流

登武夷山

觀風偶入武夷行隨處登臨隨處情燒藥爐空無鶴守  
讀書壇古有猿鳴峰雲隱隱三尖碧溪水盤盤九曲清

安得窮躋最高頂相尋仙子問長生

過采石

采石江頭夜艤舟攬衣乘興步江樓一天灝氣凝風露  
萬頃寒波浸斗牛燒燭題詩陳往事倒囊沽酒滌新愁  
錦袍學士知何在明月娟娟照古邱

福寧縣次吳中書韻

金甌刮地雨初晴使者飛颿至海城寶劒光搖秋水碧  
繡衣香壓瘴煙清既從閭井詢民瘼復向屯營問戍情

地僻人淳無訟事但聞村老話昇平

和冬官尚書黃公見寄詩韻

昔年仗節撫南夷瘴雨炎風肯憚危每夜篝燈籌國事  
隨時焚草畏人知蠻方已喜標銅柱漢殿重看賜玉枝  
恨乏堅珉付夷老為鐫德政去思詩

永樂辛卯將用兵于沙漠二月大閱于北京城  
東時翰林金侍講有詩因次其韻

羽書飛召四方兵百萬貔貅集帝城赫赫氣橫魚麗陣

桓桓威稱虎賁名鸞輿曉閱霜凝蓋鐵騎雲屯雨洗兵  
此去櫬槍應盡掃薇垣長見泰階平

和學士胡公扈從獵陽山詩韻

陽山遠在上林東原隰勻勻狩所同萬乘時田親閱騎  
六師晨從競腰弓霜飛玉盾連營白日照龍旂夾仗紅  
較藝場中誰最勝駕前英衛萬夫雄

送教諭李素改除浙江就祿養親

羅湘振鐸十餘年今又携書上越川梅玉一枝天上贈



蒲帆半幅月中懸  
好披彩服同萊子  
莫訝寒飈老鄭虔  
他日彤廷重考績  
春風臺閣擬超遷

贈李真翁

八閩高士老聃孫  
結屋蕭蕭近水濱  
心遠更無金馬夢  
身閒常對白鷗羣  
黃庭夜讀窗留月  
綠綺朝絃榻駐雲  
何日移家傍翁舍  
細聆清論滌餘氛

次俞都御史韻與虎石道人

紛紛車馬走黃埃  
此地誰能日日來  
獨有芻冠因酒病

時尋虎石扣門開山中風月初相識江上煙波又促回  
今我登臨亦何興謾看猿鶴舞徘徊

登吳興道場山

肩輿一上道場山遊覽都忘陟頓艱泉迸石渠存虎迹  
峰名金蓋擁螺鬟木魚催飯鳴松杪野鶴窺巢過竹間  
安得從今脫塵鞅此中相伴老僧閒

過吳江泗州寺訪僧留宿

行盡吳江逸思濃却從蕭寺訪瑄公未論石上三生約

且喜山中一宿同  
詩句新題蕉葉雨  
茶香熟送藕花風  
明當百八蒲牢吼  
重整雲帆向五茸

和僧白鵬詩

雙頰彤彤點絳紗  
滿身霜拂更光華  
栖來晚樹煙籠葉  
抖落春山雨濕花  
曾逐繡衣朝帝闕  
偶隨珠句到禪家  
主人料得相看好  
不用昂頭羨野霞

瀟湘夜雨

二女南來正斷魂  
那堪風雨又黃昏  
瀟瀟無限相思淚

都作江邊竹上痕

隨侍太孫殿下回南京途中觀射雉

野雉驚飛入半空  
皇孫馳馬試琱弓  
一聲金鏑雲間響  
五色離披墮曉風

吳中謾興

片帆二月過吳門  
眼底相看物物新  
惟有溪橋桃與李  
着花渾似故園春

燕山寄弟原故

金陵別我去瀟湘三見春風舞綠楊此日燕山重相憶  
碧桃仍吐小園芳

江上即事

江上何人學遠遊揚帆鼓浪去無休那知久歷風濤者  
綠柳陰中穩繫舟

贈魯見告老疾還湘

君家三徑未全荒何遽匆匆促去裝豈是老來腰懶折  
歸尋元亮學耕桑

梅竹雙禽

林木無聲雪色殘一枝晴玉倚琅玕雙禽何處棲來晚  
重拂金衣度歲寒

石倉歷代詩選卷三百二十四

欽定四庫全書

石倉歷代詩選卷三百二十五

明 曹學佺 編

明詩初集四十五

林環

送宋孔昭還吉水

東風白門道楊柳黃金絲攀轅贈遠行別意愴臨岐卓  
犖羨俊才芳年真不羈出門發西嘆策馬登皇畿笑揖



薦紳間駿聲歛以馳相見曾幾何及茲遽言歸尊酒未  
盡歡去途念遶遲片帆掛殘雨滄江浩無涯願為東流  
水千里遠相隨

送人還廬陵

養素遯丘壑雲松見高情興來發長詠琅琅金石聲十  
年湖海上久聞謫仙名翹跡不可見懷人阻遐征昨聞  
觀光來曳裾金陵城館閣多故交衣襪有諸生矧茲粉  
署郎祿養時所榮凌雲未遂願胡乃遽言行盤洲多奇

勝山水秀以明三徑別來久松筠晚青青登臨多暇時  
足以娛暮齡祖席阻同宴贈言愧瑤英

送鄭九韶之封川教諭

分韻得白下垂楊

白門何迢迢青煙拂楊柳慘淡涼雨餘蕭颯西風後長  
條秋復春幾對離人酒折之贈遠行忽忘重攜手

送僧還閩

出世離塵垢遊方覓隨緣却如無心雲出山復還山泉  
石想舊遊煙蘿翳松關了知靜中意頗愜物外觀三生

契玄談臨別重流連獨鶴去無迹落日江天寒

題秋塘鵲鵲

落日秋水寒霜空荷葉乾飛鳴不相離雙栖綠池間照影弄顏色有如競華鮮在原懷遠意因之發長嘆

題蘭

空林閒無人愛此幽草芳光風泛叢綠猗猗煙葉長執袵擷其英露氣襲襟裳緬懷紉佩者千載那能忘白石生深林託根有叢芳幽艷間深翠清風任披揚蕭艾誰

與羣不能化其臧却笑桃李花冶麗爭春陽

題畫竹

嶰谷春已深煙雨何冥冥蕭然青琅玕上有孤鳳鳴清  
風不時來忽聞環佩聲緬懷伶倫子千載已遐征誰能  
截鳴律吹向軒轅庭

題思親圖

親恩猶昊天欲報嗟罔極菽水宜屆期庶以供子職胡  
為簪纓縻一別千里隔音問曠星霜定省隳朝夕雖懷

翩離念馳驅竟何益幾回陟高岡引睇楚山碧親容不  
及覩空見孤雲白誓欲遠從之恨無冲霄翼矧茲王事  
勞鞅掌不遑息君親致匪殊忠孝道本一不見狄懷英  
聲名獨輝赫願言企前修千載揚休績

題友城西讀書處

美人富才華卓犖時罕儔卜居得幽勝乃在城西頭杜  
門謝塵喧豈學隱者流振衣賦采芹還從泮水遊道腴  
每需濟聖涯時詠游倦來即掩卷物景長與謀山色到

庭晚泉聲落澗秋  
時聞聽幽鳥花外  
相喧啾持此每自  
適雅懷獨悠悠  
人生貴激昂寧肯  
久淹留矧子青雲  
器正當學而優  
佇看早騰騫庶以  
追前修

題林泉清致

城頭片雨過  
玉署無纖塵  
披圖見林壑  
忽憶山中春  
垂蘿翳衡門  
往來無雜賓  
時將煙霞侶  
兼之泉石隣  
覽勝每獨往  
或逢漁釣倫  
晤言契清賞  
頗覺日相親  
豈不眷疇昔  
懷哉古天民  
寄聲謝猿鶴  
誰歟箕潁人

又

春山佳氣多白雲  
滿芳樹幽徑絕塵蹤  
落花映深戶微雨  
洒林落東風長蘭步  
之子招不來滄洲日  
將暮

題黃啓晦百牛圖

昔我東山居荷鋤事農耕  
三時有暇日放牛滿郊垌  
依依芳樹陰萋萋煙草青  
野薺恣所往愛此風日晴  
遠坡每羣趨空原時獨行  
前溪足新雨牽飲上流清  
牛性日已馴收閒無所營  
捲蘆作短笛吟雜童謳聲  
相將晚來

歸月色孤村明以茲樂生事外物焉足嬰別來幾春秋  
石田想榛荆維魚每入夢彷彿東臯平披圖見犍犢蔽  
野何縱橫吟望夕陽山因之發遐情

挽梁修撰父

霜露晚淒厲叢蘭殞其芳隱憂念所懷耿耿鬱中腸有  
形會歸盡旦夜乃其常所惜在遠韻毀茲金玉傷松楸  
起寒雲空原俱蒼茫九返不可招臨風獨徬徨

吏部孫主事龍津清曉圖



悠悠龍津水遠自廬峰來蜿蜒走溪壑勢與山俱迴麓  
斷衆山盡忽看天鏡空澄波湛寒月萬景涵鴻濛此時  
得真賞如游元化初振策起沙鳥數里見潭魚微風林  
下來吹動浮雲影靈氣襲蘭襟洒然異人境竭來京國  
遊歲月隨奔川幾迴故鄉夢飛落閩南天舉首不可見  
思之空留情寄聲謝鷗鷺愧負滄洲盟

題萬竿煙雨圖

濕雲凝煙吹不起寒影半沉湘江水湘妃瑤瑟悲夜長

散作雨聲蒼茫裏杜鵑怨春春始歸新妝翠袖啼蛾眉  
愁魂飛去人不知鸞珮墜地搖參差披圖却憶長相思  
扁舟落日零陵祠

題王晉卿春曉圖

憶昔扁舟經洞庭夜涼落月潮水平舟行數里不知遠  
隔林隱隱聞雞聲推篷起視西山麓煙景微茫接溪曲  
芳草依稀謝朓村綠樹深沉子真谷須臾旭景開瞳矐  
千山萬山圖畫中誰家樓閣依晴翠朱門繡幕垂東風

樓外園林春已遍樓中美人夢初斷疎簾半捲落花深  
年華却逐鶯聲換別來煙月幾經秋楚天西望空生愁  
玉堂此日見圖畫彷彿湖山曾舊遊何時拂衣賦歸去  
孤棹還尋舊遊路雨過芳洲春水深更擬褰裳采芳杜

紫帽雲松圖

巍巍紫帽峰聳翠何盤鬱天地鍾秀奇鬼神護靈窟原  
頭突見若堂封精魂出入無尋蹤已覩騰空見佳氣更  
憐落日生愁容陰雲黯慘結空暝長松蕭颯西風勁荆

蔓深愁兔穴藏崗嶺猶瞻石麟竝嗟哉欲養已無期流  
年況復成推移草木猶傷望中意霜露那堪死後思方  
君此哀我亦有埋玉空山痛應久夢魂夜夜繞雲松為  
問方君曾爾否

題望雲思親圖

涼飈拂林黃葉飛愁心斷絕江天涯南音幾度寄秋思  
故國欲歸仍未歸竭來時陟北山岵目斷孤雲幾千里  
音書久曠南飛鴻鄉心每逐東流水懷哉歲月成蹉跎

庭闈垂老白髮多宦程況復隔淮越夕陽芳草情如何  
情如何那堪論丈夫為國須致身君不見太行立馬一  
回首至今猶記河陽人

雙清軒為趙府王引禮賦

雙清者湖與竹也

月湖一泓天鏡光湖上居人臨水傍綠堤不種桃與李  
春風繞舍琅玕長晴雲低拂蒼波淺坐來引興瀟湘遠  
涼氣常涵碧樹秋清陰每落漁磯晚由來清景難久留  
曳裾今向王門遊身依薊北關山迥夢落閩南煙雨愁

家林猶喜未衰歇客路不須嘆離別他年當乞鑑湖歸  
截取長竿釣明月

題魚荷卷

江天向晚煙漠漠萬頃平波澹寒綠敗荷經雨翠蓋傾  
細荇牽風青縷弱碧空倒影浸琉璃隊隊鮮鱗遊碧落  
雪晴時逐白浪翻月明靜帶浮光躍君不見層臺嵯峨  
臨水頭何人更復被羊裘又不見磻溪春深芳草多只  
今渭水空東流感子亦有鷗鳥興滄浪歸夢常悠悠何

當結屋滄江上釣竿長拂蘆花秋

月峰歌為平山上人賦

月峰歌孤峰壁立何嵯峨遙岑深夜露寒魄碧空景泛  
琉璃波禪心自與秋空並皎潔圓明兩輝映一毫不擾  
天境澄萬籟收聲俗囂靜茲山住錫今幾年上方殊勝  
猶依然林泉自喜足幽憇機闕已覺忘塵緣九夏三冬  
戒律精空巖草木應知名相期後夜訪高致長嘯一聲

山月明

送蜀中新寧教諭

白門祖席黃花酒醉唱離歌折楊柳廣丈行色在驪駒  
僮僕行囊載科斗間說先生教蜀年蜀中學者未能先  
杏館絃歌聲不絕華庭風月趣無邊十年不嘆儒官薄  
却有清名動臺閣天官課績美雄詞聖主超恩頒教鐸  
復此尋舟問去津吳山楚水往來頻春風客路秋衣換  
曉日園林畫錦新荆門西上曾遊處巫峽猿聲自朝暮  
對酒休歌蜀道難行人謾說高唐賦百里新寧寂寞濱



行看教雨及時春君不見文翁遺教傳今古未必今人愧古人

和曾侍講九竹圖韻

金陵客舍長安陌寸土如金苦嫌窄生平愛竹負賞心  
夢裏猶思見顏色誰人磊落獨不羣玉堂侍講武陵君  
窗前隙地祇尋丈移得一段湘川雲九龍山人更才絕  
瀟洒胸襟貯冰雪醉來為掃墨君圖下筆縱橫見奇節  
琅玕交股鐵作刀涼吹入戶聲蕭騷清陰常對白日靜

修幹直拂三秋高金鑾朝退頻相過對竹看圖欲忘我  
脫却烏紗掛碧枝掃石還因綠苔坐周郎造我亦何為  
高懷似與主人期敲門看竹久未厭便索此圖而得之  
鄉山筋竹闌南路每嘆別來春幾度若能轉贈金錯刀  
不惜瓊瑤報君去

贈穀城老人

孤青湖平霜鏡如湖上時有高人居春風南畝見耕犢  
秋雨華堂聞讀書生平種德老尤力閭里蜚英方藉藉

惟願長延龜鶴齡昨夜星輝映南極

送林教諭之新塗

拜命之官去憐君最少年片帆孤鳥外尊酒落花前教  
學推胡瑗談經說鄭虔好為吾道重無用厭寒氊

送鄭舅力行之德清縣令

相看未一歲兩度送君行況有渭陽念那堪客裏情鍾  
山寒雁斷雲水暮煙晴蒞政多應暇臨風好寄聲

送人之雅州教官

柳色新未綠春風到幾時  
千山憐獨往樽酒不須辭  
道在寧憂屈官閒豈厭卑  
菁莪歌樂育化洽遠方夷

送宋司獄歸昭陽

朔雪遍河關長亭落照間  
幾回天上見獨騎日邊還  
驛路分晴樹州城帶遠山  
清時民訟簡官舍有餘閒

題鄭彥疇綠野耕叟圖

負郭有先畬南東百畝餘  
閒雲常繞舍流水自分渠  
白髮身宜退黃塵迹已疎  
誰知城市裏還似鹿門居

題靈雲岩

還浮春不遠前棹入花林忽見冰霜色應知天地心香  
隨明月度影落碧波深更似携餘興山中賦獨尋

題瑞龍寺

踏雨來相訪雲歸曉入城山空龍窟冷雪霽蜺窗明草  
軟煙波綠牛閒鐵笛清老禪何所有只此足平生

居庸疊翠

積翠岩崑北斗傍雲開千疊錦屏張連峰上接中天近

絕巘遙臨朔漠長  
雪後煙嵐分秀色  
春來草木帶恩光  
太平四海無烽警  
不數秦關百二強

玉泉垂虹

浮花濺玉落崔嵬  
迥出千巖去不迴  
白日半空疑雨至  
青林一道見煙開  
月分秋影雲邊去  
風送寒聲樹杪來  
流入宮牆天漢近  
還同瀛海繞蓬萊

太液晴波

池頭旭日散輕煙  
開鏡清光近九天  
翠柳條長經雨後

綠蘋香暖得春先御溝流出通金沼仙派分來自玉泉  
在鎬幾回陪宴樂詠歌魚藻繼周篇

盧溝曉月

疎星寥落曉寒淒月色波光入望迷野戍連雲寒見雁  
人家隔水遠聞雞波間素采涵秋淨天際清光映樹低  
馬上曾驚殘夢斷鐘聲遙度禁城西

金臺夕照

高臺曾此置黃金人去臺空碧草深落日未窮千里望

青山遙映半城陰  
雁將秋色來平野  
鴉帶寒光過遠林  
昭代賢才登用盡  
不須懷古動長吟

和胡學士冬至後六日遊牛首佛窟寺

松下禪扉晝不關  
垂蘿應許世人攀  
黃龍說法諸天在  
白馬馱經幾日還  
近戶泉聲晴雪後  
隔林僧影夕陽間  
寧須久住煙霞樂  
暫得尋幽即是閒

又

蒼苔石逕路依微  
絕頂風高落木稀  
坐見平原千騎合



行逢古寺一僧歸  
松聲聽處都忘倦  
塵慮消來頓息機  
巖畔不知禪衲定  
雨花空着薜蘿衣

送族叔致雍

鄉園落日思悠悠  
歲晏憐君賦壯遊  
梨嶺已看唐事業  
竹林還想晉風流  
樓高五鳳雲中見  
江濶孤帆雨外收  
壯志青雲當磊落  
征車萬里莫淹留

題道士行樂圖

洞裏煙霞幾許年  
胸中梨棗得真傳  
還家喜見青牛在

渡海仍看白鶴還足跡未窮三島外夢魂先到五雲邊  
丹臺準擬通仙籍早晚丹書下九天

題王孔泰山水小景

綠樹晴陰合衡茅清晝餘獨憐杜陵客村塢類貧居

又

秋思嗟離索行尋舊隱棲白雲隨杖屨飛過畫橋西

題山水圖

青山幾里入煙霞杖履尋春未覺賒流水小橋村路晚

隔林應有野人家

又

茅屋蕭條野水濱  
柴門長掩碧蘿春  
別來泉石知無恙  
回首青山憶故人

題王孔泰山水小景

雨過香浮杜若洲  
杖藜偏似少陵遊  
數聲啼鳥東風外  
綠樹晴煙何處樓

題秋江晚渡

長江渺渺白蘋洲落葉西風動客愁  
潮水欲平人問渡  
數聲寒雁落沙頭

題墨竹

森森萬玉翠含滋  
渾似蕭蕭雨後時  
吹斷玉簫寒月白  
一庭清影鳳來遲

又

曾記吹簫學鳳鳴  
碧雲深處度秋聲  
誰携一片瀟湘影  
寫作江南萬里情

又

扁舟昔日渡三湘  
兩岸蕭蕭鳳尾長  
獨對此君官舍晚  
空階猶帶楚天涼

題竹木圖

葉下西風片雨青  
玉堂人靜酒初醒  
扁舟却憶經行處  
湘水寒煙接洞庭

題畫牛

春滿空原草色深  
烏犍追逐過遙岑  
半村殘照人家晚

似恐天寒去路陰

題扇面小景

垂蘿庭院晝深沉  
別後俄驚歲月深  
琴劍未歸猿鶴老  
幾回清夢繞長林

石倉歷代詩選卷三百二十五

欽定四庫全書

石倉歷代詩選卷三百二十六

明 曹學佺 編

明詩初集四十六

孫炎

迎日詞

鳳炙兮麟脯瑶席兮桂俎樂萬舞兮如雲吹笙竽兮龍  
二女千子子兮載以輿六蒼虬兮歷天衢雲霏霏兮夜



未艾執長轡兮久相待

題好溪圖送憲使王繼先

君乘馬望君來枯蒼下君乘舟望君來好溪頭好溪水  
生玳瑁魚好溪水生明月珠好溪水生青珊瑚使君來  
此月再樞惟飲此水無一需使君之清水不如臨別贈  
君青絲轡隨君馬頭行萬里相思之心有如水

宛轉詞

流黃機響春閨織成幼時華綵衣玉為容水為瞳二十

嫁與梁家鴻妾鼓瑟郎鼓琴海枯石爛同一心雲母屏  
夜向冥郎是明月妾是星鞭珊瑚障流蘇郎騎高馬妾  
坐車女蘿枝延兔絲綿纏到老郎自知徑寸珠水中居  
團圓到老妾不知

贈黃鍊師

留侯弟子有初平九歲從師住玉京天與數書皆鳥跡  
家傳一劍是龍精瑤池桃實無消息海水桑田又淺清  
我為紫芝歌此曲夜深相答洞簫聲

龍灣城

龍灣城壯如鐵城下是長江城頭有明月月色照人心  
不移江水長流無盡時

寶劍歌

寶劍光耿耿佩之可以當一龍直是陰山太古雪為誰  
結此青芙蓉明珠為寶錦為帶三尺枯蛟出冰海自從  
虎革裹干戈飛入芒碭育光彩青田劉郎漢諸孫傳家  
惟有此物存匣中千年睡不醒白帝血染桃花痕山童

神全眼如日時見蜿蜒走虛室我逢龍精不敢彈正氣  
直貫青天塞還君持之獻明主若歲大旱為霖雨

哀孫炎

夏允中

垂老戎馬間相知復何有幼與孫炎交于今俱白首炎  
也雅好詩落魄惟耽酒醉中有神助不放持杯手才豪  
不受羈焉肯事田畝精勤脫穎出盤錯迎刃剖浪迹帝  
王州結交英俠數喈喈朝陽桐濯濯新春柳南北暗兵  
塵妖星下天狗我皇入金陵一見顏色厚高談天下計

響若洪鐘叩即拜丞相掾奉身事明后再分太守符兼  
綰都官綬括蒼實重地豹虎白日吼皇曰汝孫炎其往  
總制某再拜謝不敏寵命敢虛受一年風俗淳二年民  
物阜三年遠人歸上表請官守文章曹劉亞政事龔黃  
右舊歲過金華與炎適相偶寒燈夜半花春盤雪中韭  
終宴竟忘疲落月斜半岫臨分各上馬攬轡復立久為  
言有小女離家方襁負今來已五周見父能認否未必  
到家期封書附姑舅置書篋笥間纔隔兩月後墨色尚

尚未乾語音猶在口胡為內變生哭我平生友復恐是  
夢中仰天當戶牖斗柄昏建辰月魄夕在酉迺知真死  
矣慟哭吞聲嘔復聞遇害時扞刀落雙肘奮怒髮衝冠  
大罵血漂白維時東南天彗出芒如帚淫淫苦雨愁  
騁驚雷走魂兮早歸來空山不可狃我過誰與規我病  
誰云灸春酒釀薔薇酌子墳山首西京七葉韶零落成  
草莽既有千載名焉用百年壽我我馮公巖與子同不  
朽

附劉叔讓廣陵人

憶弟

漂泊嗟吾老，羈遲見汝難。  
西風鴻鴈急，落日鵲鴒寒。  
渭北書長絕，滇南淚不乾。  
朝思兼夕夢，懷抱幾時寬。

夜雨述懷

憶昔馳驅不自由，山林猿鶴笑無謀。  
十年世事渾如夢，一夜雨聲都是愁。  
南詔羈栖傷短鬢，東湖寥落憶扁舟。  
釣磯別後知無恙，虛負同盟有鷺鷗。

題鎮南門城樓

排空雉堞接層樓，薄暮登臨萬古愁。  
紅樹一村蒲甸晚，黃雲滿地樊田秋。  
江通平緬蠻煙重，山聳哀牢毒霧收。  
極目鄉關何處是，西風衰草思悠悠。

送吳素齋還淮安

誰識齋居託意深，脩然不受一塵侵。  
半窗晴旭閒觀易，滿座秋風靜鼓琴。  
策馬已聞辭樊道，揚舲還喜到淮陰。  
劉伶臺下多春色，行樂應知稱素心。



附遠昶

字光古  
覃懷人

畫眉

妾欲畫短眉恐不合時伴  
妾欲畫長眉恐人笑疎散  
請郎臨粧臺隨意畫長短

舟下淮水

伐鼓下淮津川光回暮色  
數峯雲外青一鳥沙上白  
悠悠水驛浮颿颿風帆側  
舟人不敢停知我歸朝客

宿山中寺

山中有蘭若龍象輝金碧泉邊佳茗香竹下幽人迹  
堂新瓦易茅砌古苔侵石喜為老僧留同坐風雨夕

德公院

脩然青蓮宇水遶山相向老僧不出門林下樂清曠  
今日有誰來題詩在竹上

閨怨

露華粉濕啼清曉井梧涼思風嫋嫋朱簾不捲玉鉤垂  
當窗瑣語青禽小榴裙半皺睡新起臨鏡芙蓉裊秋水

侍兒為整綠雲鬟不使蘭膏污纖指堂中寶瑟柱新移  
一曲未終顰黛眉薄情自是遲歸得翻恨人間有別離

芙蓉辭

碧空零下露漙漙深院風回簾幙寒初日弄光曲池上  
琉璃梵瑩雕闌干妖姬睡起淨粧洗顧影盈盈媚秋水  
可憐傾國默含情下蔡陽城迷惑死一笑嫣然忽向人  
胭脂肌肉綠羅裙相逢不忍遽相捨只恐飛歸化綠雲

使回沂州

穆陵關下路數騎復南歸雲氣來蒙羽人煙入海沂晚  
田禾刈盡霜樹葉凋稀家擬明朝到吟鞭可緩揮

訪友人居

携書訪故人豈憚往來頻潭淨開天鏡山昏著霧巾林  
居常掃葉石徑不吹塵幽僻宜淪隱時時得句新

郊墟池館

何人小池館閒得在郊墟花晚留棲蝶萍朝見躍魚山  
塢滋蘚暈老竹帶蟲書自計無錢買憑誰可借居

晚宿王衡家

應役城中久何能得避喧登樓山遠縣出郭樹連村僧  
舍竹松院人家瓜菜園晚來投舊館童子笑開門

遊廣東清遠峽山寺

寂寂長林下僧房鎖碧苔樹枝猿掛折花片鳥銜來池  
溢流過水爐存蕪後灰賦詩殊未就徙倚故遲回

登浪穹縣護民寺

浪穹西阜寺獨眺有餘情落日秋山色西風古樹聲征

衣憐舊漱客路喜新晴洗鉢焚香事誰能了此生

遊寺寄統有宗集仲祥

出郭獨閒行招提可散情雲來羣壑暗日下半川明靜  
院莓苔色深林鳥雀聲新茶僧採得更汲澗泉烹

古淵房間書和韻

禪房碧樹深坐久語幽禽葉跡日穿透林端雲過陰筆  
新微蘸墨書故少生蟬僧有思鄉者時時效越吟

月堂室中閑題

清心投靜室童子啓雲關秋色老棲樹夕陽明在山高  
崖泉落響遠漢鳥飛還擾擾紅塵裏無如僧最閒

簡澤雨田

花時曾惜別菊候又相逢落日深山道清風古寺鐘往  
來非定迹彼此是衰容何日隨師去棲禪共竹松

呂氏水石居

可愛閒居事事幽陰森水石帶林丘風來觸樹花飄席  
客到開窗山入樓獨鶴立當生蘚地雙鷗浮近采菱舟

怡怡兄弟同行樂更看詩篇日唱酬

江堤晚眺

江堤聊上適離情  
葭莢無窮一望平  
遠樹天邊歸鳥沒  
孤村雨外夕陽明  
海門帆去衝秋色  
沙嘴潮來激怒聲  
佇立南雲重回首  
依微尚見晉陵城

晚思

斜日下巖阿  
山家暗翠蘿  
杖藜臨水立  
啼鳥在林多  
溪上無人渡  
秋風揚素波



涉溪

晝涉溪方淺暮臨溪忽深水猶如此急安可測人心

挽逮光古

日本僧大用

氣宇真豪邁孤超傲世時冥鴻冲漢志野鶴出塵姿  
筆勢雲煙起詩名草木知論交三十載死別抱深悲

石倉歷代詩選卷三百二十六

欽定四庫全書

石倉歷代詩選卷三百二十七

明 曹學佺 編

明詩初集四十七

詹同

明發

迂拙本所尚謬膺時見知  
高車踵華要豈不日求思  
但春歷西垣託以國藩維  
茲辰遡東魯重以民命司  
撫已

揆中素憂感積如絲簡書遽臨門我何敢遲遲僕夫具  
行裝明發大江湄朋情念遠別臨錢難為辭好風吹揚  
舟旭日麗絳旗流波渺東注緬懷當若斯聖明極高厚  
疎淺諒何為

早春山中

雪霽野草綠冰漸澗水渾條風蕩宇宙鳴鳥夜欣欣况  
際寒凝極生意罔不存枯荻及槁壤涵毓大造恩招我  
山中友酌我松下樽觥籌莫暫止主賓寧復論一醉已

忘境歸來望鹿門

送蔡參政入蜀

東吳霖雨佐西蜀使星明木落黃牛廟雲開白帝城邦  
交修玉帛賓禮會簪纓陸賈無裝贈揚雄有賦名詞源  
流峽水詩筆發天聲叩竹臨風看已船載雪行錦官談  
舊俗金節促歸程聖主龍顏望慈親鶴髮生鳳池邀閣  
老馬首出郊迎

妾莫愁

郎謂妾莫愁妾愁在姑嫜郎今有遠行歸期不可量姑  
嫜日不待白髮在高堂郎若為國亡妾甘守孤孀但恐  
郎回姑嫜不及見妾愁亦如白髮長

題所翁墨龍

笑玉女兮箭壺轟豐隆兮鼓車後蜚廉兮啓途駕屏翳  
兮游太虛麾馮夷兮與之俱鞭海若兮叱天吳掩歸墟  
兮洩尾閭斟九江兮瓢五湖霖八荒兮澤槁枯歲大稔  
兮民以蘇后土奏兮功力殊上帝俞兮錫玄珠歛蜿蜒

兮紛且娛縵以佩兮朝清都縮赤鱗兮光灼如步天嬌  
兮天之衢載瑤舟兮驂瓊輿化神劍兮氣吐噓旋下方  
兮辟奸諛御陰陽兮一吸呼神靈剝兮變須臾懷洞庭  
兮近所居蒼螭迂兮黃能趨紛鯨鯢兮前馳驅波瀾洞  
兮涵炎區揚金支兮搖翠旒倏閭閻兮來簡書張髯鬚  
兮毋踟躕孰其往兮從若徒曰北溟兮飛鯢魚

送蔚教授歸襄陽分題得解佩渚

襄陽城外西南阿秋風江渚生白波渚宮神女老龍子

手把瑤華雙踏歌雙踏歌醉晴日嬌比春花紅欲滴紫  
綃衣袂青霞裳綠髻如雲高一尺珮環解下明月珠五  
色虹光照秋碧鄭生所遇天下奇樂莫樂如初相知桑  
田滄海幾更變天上人間多別離蔚君家在襄陽住皎  
皎清標顙交甫携琴合向萬山中莫作書堂近江渚向  
來神女亦化龍時復尋珠起風雨

訪弟長沙霍元瞻雪夜為作秋山圖

我愛霍元瞻清標如玉雪蒼松立石崖白鶴鳴海月瘦

馬衝寒水在鬚日暮去訪元瞻居高堂中夜燒長燭為  
我寫出秋山圖墨池水凍筆如槩使我見之喜且愕雲  
氣忽從衡嶽來雨聲似向瀟湘落二客蘭舟泊遠沙一  
箇茅亭在陰壑感君厚意不可量我欲酬爾明珠璫賈  
傅祠前相別去挂在鶴山青草堂

題號國夫人早朝圖

青絲絡頭白鼻騮楊家有女顏如花金門半開天欲曙  
蛾眉淡掃朝官家官家鼾睡起未早阿姨一來即傾倒



中使傳宣出紫宸信是人家生女好合歡花瘁沉香亭  
玉環宿酒渾未醒春風暗送年華老綠衣飛報疇能聽  
金錢賜浴恩澤新溫泉不洗馬嵬塵底事畫工心獨苦  
圖中偏寫虢夫人

奉簡黃樵水先生

黃鵠山頭雲滿樹黃鵠山下風生渚高人獨立天地間  
手把幽蘭灑春曙憶昔天門金榜開談王說霸稱奇才  
清名倏忽響中外迅雷海上隨潮來奎璧文光射箕尾

照耀湘衡數千里笑騎海月拂天星散落明珠滿秋水  
天風吹作簫韶聲五色雲中鳳孤起鳳兮鳳兮雲漢章  
豈弟君子不可忘我欲薦之太古上酌以玄酒梅花傍

題天寧長老深雪禪堂

積雪封門深十尺大風不捲恒河沙樓臺幻出白龍象  
海峯失去青蓮花君不見金天上人面如玉夜半毫光  
照山屋起從無影月中行赤腳踏冰倚修竹歸來鐵鉢  
水生寒凍合蜿蜒小如粟十日不晴將奈何上人趺坐

窮搜羅咳唾珠璣三萬斛散作天花落海波

金陵篇贈王貴德十四韻

江左金陵簇錦花城南闌閤擁煙霞雲斤月斧揮天半  
星拱虹梁照水涯晴日垂楊籠巷陌薰風細草護堤沙  
梗楠鳩集開新第亭館蜂屯勝舊衙樓倚亨衢沾雨露  
坊題華翰繞龍蛇路通赤舄三槐府牆隔烏衣百姓家  
擬侍桓圭加上爵行看大纛擁高牙春從鳳沼來黃閣  
人向鵷班領白麻沸海市聲還厭聽軟香塵土不容遮

樨喧貴介五色馬門過豪商七寶車曉出繡袍朝紫禁  
夜歸銀燭列紅紗蜀稱錦里何堪比唐有青泥亦謾誇  
冠蓋往來聯玉笋琴樽談笑吐天葩長由坦道全終始  
應與鳴珂播邇遐

古意

君家蘭澤西妾家蘭澤東蘭澤多芳草相去各春風君  
今行隴右妾思在閨中天寒繡袂薄淚下玉屏空

寄方壺道人

海上神仙館天邊處士星卧雲歌酒德對雨註茶經石  
洞龍噓氣松巢鶴墜翎都將金玉句一一寫空青

送黎蘭谷游永州

舟子開帆日天風吹雪時關河歲將晏荆楚客何之水  
接三苗國雲迷二女祠經過逢北雁應有寄來詩

公無渡河

江上春來風雨惡大浪小浪江中作一葦之航何足云  
蕩漾中流幾飄泊人鮓瓮鬼門闕下隔深淵咫尺間飢

蛟食人骨如山公無渡河當早還

古釵嘆

黃金作釵分兩股青髻如雲鳳雙舞照見臙脂井水香  
後主宮中數千女一朝野花成綺羅但見兔跡狐蹤多  
有人拾得古釵賣腸斷當年玉樹歌

蒿里

城中市聲如海水紛紛甲第連雲起自從秦鹿走中原  
蓬蒿長徧鳴珂里夜深鬼語風吹沙光怪走地圓如爪

兔葵燕麥芄芄地盡是當年宰相家

春日駕幸鍾山應制

大駕春晴臨寶地鍾山翠靄擁金仙  
瑤花如雨三千界紫氣成龍五百年  
風送香煙浮袞服池涵樹影拂青天  
詞臣侍從何多幸安得詩才似涌泉

送徐復初海道知事

東運樓船白粲多紫髯英氣有誰過  
礮車雲起天垂野颶母風來雪湧波  
海上神仙見徐福關中父老識蕭何

幕賓不盡長才用  
早晚薇垣響珮珂

秋夜書懷簡李希吉

江臯秋水明晚霞  
江城秋滿詩人家  
雙杵隔牆夜敲月  
一燈向壁寒生花  
烏鵲驚風繞紅樹  
紫蟹帶霜行白沙  
清虛之府入幽夢  
醒看河漢思來槎

題子靜草堂

草堂正在匡廬山  
山陰綠玉相對閒  
雲從雙劍峯前下  
潮到小孤江上還  
茶煙滿室寫墨竹  
花雨一簾觀白鵬



誰似南宮能篆古為君高致軒窗間

清江曲

清江水清峽水黃清江之上多綠楊浣花女兒立沙際  
青裙白足如秋霜蜀山雪消十日雨一夜扁舟欲齊樹  
兩岸猿聲不肯休送君流過峽州去

狹路相逢行

上有千尺之崖古鐵色下有無底之潭水俱黑中間小  
道石艱澀君馬南我馬北狹路相逢何偏仄安得往來

如康莊兩賢相讓無相阨

前有尊酒行

前有一尊酒後有三尺墳墳前兩樹花墳中不知春分  
明記得墳中鬼曾共當年飲酒人

題水殿納涼圖

湖上欄干百尺臺臺邊水殿倚雲開紅橋人隔荷花語  
玉盃金盤進雪來

題枯枝寒禽圖

王母宴歸西海上空留青鳥羽參差黃雲苦竹江南霰  
獨立寒條歲晚時

舟過黃陵廟

黃陵廟下倚船窗水淺沙平屬玉雙山外斷雲寒日晚  
半篷寒雪下湘江

秋夜吟

桂樹叢叢月如霧山中故人讀書處白露濕衣不可去

附汪時中詩

字德卿  
祁門人

和陶靖節

木落霜更繁鳥啼夜方寂徘徊不能寐起行見明月達  
人傷逝波志士感徂節冲懷在潛淵修軌絕塵紕人生  
大化中飄蕭風底葉豈無好容華百年終變滅及時且  
行樂無為長太息

其二

避諠舍幽林蓬華日高卧開門見青山相看久逾好白  
雲何處來飛在簷前墮淡泊涉世清意閒塵勿攪主靜

豈無方此樂不可道黃精肥可飧石泉清可澡默默觀  
大運息心以為寶

月夕書懷寄貢待制汪蓉峯程以文

明月出東山照見西林明龍蛇布滿地信步還自驚獨  
立數星辰欲挽銀河傾一洗人間塵灑然肝膽清不寐  
抱嬋娟待旦聽雞鳴安得同心人為言此時情

種竹

結廬幽谷中老樹高連雲青山固佳客不可無此君移

植當前軒氣槩終出羣胡牀生月夕世事從糾紛鳳鳥  
日將至起舞歌重輪天風萬里來夜半簫韶鳴

登源越國祖廟

四方騷亂六州安錦纜雲颿去不還龍劍占星狼鬣靜  
角弓張月虎牙閑東行竇使書初獻西向秦庭涕易潸  
高塚麒麟碑碣在唐陵隋寢草斑斑

漢武帝

天馬西來苜蓿堆五雲宮闕是蓬萊可憐商鼎鹽梅味

不似金莖露一杯

附汪叡詩

字仲睿婺源人  
左春坊司直郎

雜賦

我遊會稽嶺復登秦望山天高海濤寂日落空雲間三  
山渺何許鮑腥動函關回車探禹穴千古高嶺屹有客  
來崑崙抱璞將何適熠熠含輝光櫝韞夜生白荆舒人  
莫知舉世珍燕石所以魯仲尼待價靡欣戚嘉橘生南  
服纍纍黃金姿碧葉霜不悴貞心終自持渭濱釣魚叟

西伯夢見之西伯今寂寞野處徒傷悲

擬古

別君出郭門回首萬里遙征馬復馳驅山高路宕荒水  
流下溟海月出上青霄月光照海波我行魂獨消天寒  
關塞遠日落村墟晚悠悠音信斷鴻雁自悽惋中心抱  
貞素匪石不可轉昊天信明旦胡能事游衍

濠梁行奉制賦送太師韓國公還鄉

龍飛濠梁起淮甸肇基林陵酣百戰誅陳夷張安東南



北定中原疾如電秉旄仗鉞清朔方拱手垂衣正南面  
泰山若礪海涵天黃河如帶江澄練聲威遠布來夷戎  
海隅西極咸趨風不用漢兵三十萬大宛馬萃天閑中  
聖皇明德被海宇天產英傑開勲庸中山開平奮武烈  
內輔太師韓國公太師始由刀筆舉羣雄紛爭識真主  
麾之不去情愈親日獻訏謨闡弘緒不矜不伐仁者心  
克勤克儉前哲矩平生仇怨那報酌諸將勞能誰毀譽  
百司庶務無稽留剌繁治劇何優游聖皇推誠重委託

太師悉力宣王休漢比蕭曹豈異績唐柴房杜稱嘉猷  
光輔功成請身退錫爵頒養先公侯白髮朝天喜強健  
紫殿從容頻錫宴一朝鄉里錦衣榮千載勲名青史見  
太師恭慎人罕侔聖皇顯佑誰能先舊基甲第新凌雲  
內府金錢表新春明庭盛典重詠歌謾從館閣徵文獻  
予歸江左澤往四明

倚閭憐母老長路望兒歸六載眼中淚三春身上衣霜  
清聽雁遠天濶見雲飛海嶠連閩越烏啼月尚微

吳斌詩

字韞中休寧人  
平陽縣主簿

北遊

青山千里來龍奔出平野逶迤作都城黃河走其下借  
問宿遷人在昔何為者云此生重瞳虎鬪天所假自矜  
蓋世心坑秦霸區夏鴻門逸真龍烏江陷騅馬至今哀  
怨聲暗鳴海中瀉

次韻戴尚文遊顏山三首

顏山倚南斗秀結鴻荒前昔有太素人攀巢卧紫煙雙

龍作服御據地生靈泉一餐日月精永保龜鶴年朝結  
八極遊夜向三天眠一朝弃宇宙遺跡成幽玄雲洞闕  
雙扉別有丹霞天我今望紫氣遐想窮山川

其二

金仙識靈境振錫西天來梵宮跨絕巘綵翠何壯哉海  
水入金鉢灑早徧九垓遂令區中人瞻望心徘徊我思  
脫萬劫鬱悒慚非才青蓮發茲山何必登三臺行將覩  
寶月高舉超凡埃

其三

美人契遐想濯足青蓮池我亦思攀援騰空躡雲螭蒼  
茫送遠目直接扶桑枝天低流景迴風遠浮景馳萬靈  
受荼毒生死皆非宜仙人與佛子縹緲何須期吾當問  
青天願借箕尾騎

雜體

豫章在高嶽挺然出喬林雲霄接飛翰川谷涵清陰龍  
鱗結翠色貞固如精金梓人構珠殿飛斤欲相尋雖憑

萬牛力奈此春山深大材失平地倚樹空沈吟

秋思

西登望夫臺北眺從軍路霜飛瀚海秋煙橫大荒暮君  
心皎凝丹妾身抱貞素萬里莫相思搗月寄征服

叶

宿密多巖蘭若

寶剎倚青漢金宮瞰紫煙巖顛明秀木天罅落飛泉香  
窟幽僧定雲房逸客眠澄輝滄海月應與此心圓

天馬歌

天馬西下崑崙墟騰驤振迅將焉如雄姿逸氣越太古  
雲駿電尾拂紫虛頽首視六合有若樊籠拘朝窮青天  
九闔之浩蕩暮極滄海萬國之盤紆驂駟與駉駉俯伏  
蹶足空睢盱大鵬之飛尚不過於九萬六龍豈敢爭馳  
驅拳毛紫紅耀晴雪高蹄翻霜蹴明月瑤臺兩鏡入清  
瞳五嶽層巒挺竒骨當時飛步凌長安星流霧轉那可  
攀伯樂已久死至今駢足樞槽間聖朝舉鞭策豈信蜀  
道難由來世眼俱混濁駕駘却韝黃金鞍太行鹽車每

服力嗟我於此徒盤桓春風三月來燕山將隨銀河上  
雲端翱翔御道駕天子出入警蹕羣生安

顏山歌

欲為紫霞賞遂作丹青遊顏山秀拔五千仞況于絕頂  
凌飛樓長風吹目空四海但見天地如虛舟龍爭虎鬬  
血中野安知此境長悠悠顏山之勢何壯哉飄如雲龍  
上天來蟠根走脉極九垓千巖萬壑相縈迴龍池皎雪  
天鏡開氣蒸六合作飛雨五月下界驚雲雷顏公一去



不復迴空有仙跡迷蒼苔憑崖鑿翠構珠殿金仙趺坐  
蓮花臺雄標勝境掩五嶽胡乃僻處東南隈後來觀者  
登崔嵬超然頓覺辭紅埃平明攀天望海色宛若萬里  
漱灑之金杯此中昔有芸香客一朝矯翼騰三台我今  
苦被風塵惱欲持長篴人間掃山花含煙笑人老青松  
垂陰得春好功名感此不復求便欲巢雲拾瑤草終當  
羽化隨青童難為鳳皇犬為龍青天碧海長相從回頭  
試問世間士茫茫盡入三泉中

續催日鼓謠

胡為乎六龍斜飛于若木之金天復沈淪于西漠頽洞  
之重淵日車摧頽勢將墮但聞驚天伐鼓砰轟喧闐恨  
無魯陽所揮之神戈又無羲和所執之神鞭徒看光景  
入海去惟有雪色千疊春雷喧日已溺誰能援似將宇  
宙入冥昧魑魅泣雨神啼煙煙雨暮何由晨肆鬼怪愁  
天人有美二子超凡倫凝丹泣血驚蒼旻欲攀天上萬  
丈之玉繩攬此波中咫尺之金輪力不及情難伸歌日

鼓悲無垠空有蛟龍之翰麟鸞之文照耀今古誠足珍  
心比精衛誰復陳至今陰氣毒天地幾時六合迴陽春  
吾聞東方乃有扶桑之君暘谷之神可以返日馭昇天  
門過黃道御紫宸安得迴光洞照下土之盲人神君精  
感應相隣忽爾金雞啼白東海天朱光飛射開幽玄鼓  
聲驚倒三山巔白日曙青陽生出海嶼游天京四方咸  
覩曉色清麟胎鳳嘏含精英聖皇欽天建太平作韶武  
吟簫笙譬若日鼓騰天聲乾坤上下俱清寧億年萬世

同光明

妾薄命

大羅天中散花女一點塵心墜凡土花顏奪盡天上春  
舉世蛾眉焉足數生來祇在深閨中珠簾翠幕藏春風  
清心無瑕皎白玉月娥星女遙相同漢家君王自明哲  
獨選芳容與貞節龍輿忽上鼎湖雲雀臺空望漳河月  
蒼梧凌空湘水寒淚痕灑偏金琅玕一身憔悴不能立  
香消玉減凋雲鬟自憐薄命誰為主仰視雲霄澹無語

何時重返藥珠宮還散天花作香雨

青州歌

青州高城雄九州城門天上飛瓊樓羽林兵衛若熊虎  
劍戟耀日寒光浮迢迢紫陌香塵起車馬爭馳迅流水  
飛甍萬井碧鱗鱗綠樹連陰柳營裏嵯峨城闕帝子宮  
天人遙鎮滄海東海波鏡淨寂不動鯨鯢不敢揚天風  
樓上銀壺漏初歇畫角龍吟泣霜月寒聲蕭颯落梅花  
吹作征人鬢中雪

赴名試登鳳凰臺望大江

未登麒麟之秘閣且上鳳凰之高臺鳳凰臺上極遠目  
海風飛灑清浮埃白日出青天開但看萬里長江從西  
來雪中蒼茫自無際直湧大地高崔嵬朝宗勢去不回  
萬水盡入東南隈天塹設皇圖恢龍盤虎踞雄九垓金  
宮寶闕天上開一人有慶萬國來萬國來咸梯航天子  
萬壽鎮萬方神基永固同天長壽與江水俱無疆高臺  
覽德來鳳凰

醉歌行

登高取醉散我愁倒卧城南百尺之酒樓出門但知行  
路苦醉鄉可以逍遙遊君不能遺身天上玉京又不  
能榮名將相專金城徒將綠髮染春雪風塵羈繫終無  
成不如且飲一壺酒酒盡愁消更何有醉來豪氣不可  
收噓作長虹貫牛斗

唐桂芳詩

字仲賢  
歙縣人

送鄒山長

精廬嘉樹合欣欣衆禽鳴相過豈不好胡為千里行三  
年振文鐸遺經實滿籬英英嗜學子隔竹聞書聲掃花  
散幽策坐石移殘枰詩成似白雲亭亭峰巒生昔視秋  
蛾飛今送春鴻征歸來憐兒女歡笑綵衣迎父老三  
四人傾壺濁復清逍遙練溪上於焉澹無營

秋胡子

依依陌上桑婉婉桑間婦嫣然紅羅襦采桑濕香霧相  
逢馬上郎停鞭息馳騫回頭遺巧笑脉脉此情露誰知



婦人身託生膠漆固本期骨月親返被顏色誤憶昔送  
郎時徙倚門前樹篋笥滿征衣一一裁繒素繡為雙鴛  
鴦猶懼觀者妬願郎早歸來恨不與俱去塵埃撲牀帷  
蛸蟺網窗戶惟有白髮姑羞以表情訴可憐不相識春  
心挑中路倉皇下馬時忽忽意未悟洞房掃春蠶一見  
生愧負妾身固可棄老親寧弗慕黃金無虧盈白璧有  
沾污嫁郎恩義乖何如江水赴江水惟東流不似郎他  
顧

聞吳繼新寫正覽畢作詩迎之

吳郎久不見，悵望隔江村。  
辛苦頭將白，編摩眼易昏。  
蕉心含雨潤，柿葉緇霜繁。  
智永瞠諸後，羲之本一門。  
未應梁上得，偏向枕中存。  
點畫臨池黑，戈波漏屋痕。  
縈縈珠結網，裊裊蠶繅盆。  
白練書裙好，黃麻草詔尊。  
首濡無醉魄，筆諫有忠魂。  
安得三千幅，煩君恣意繙。

題方起莘五馬圖

徐君平生愛馬癖，往往畫手稱無敵。  
百年物化形影存，

流落生綃總陳迹今看五馬各異色兩疋驪黃一疋白  
一疋翠刷雲滿身一疋虹奔汗流血奚官亦復可憐人  
笑拂青絲事羈勒就中誰解驍騰姿背立如龍俄八尺  
不蹠不啮有餘閒回視神光恍相射得非念同槽檻悲  
御者非人常乏食低頭帖耳或內傷十二閑中推第一  
而今蹭蹬老可欺空伴鴛駘無嘗識嗚呼不幸世運遭  
難虞豈比唐時太平日牽來錦繡動成羣玉鞍未卸黃  
金勒丹墀晝靜柳陰移一點花飛墮香雪毛仲也是厠

養兒嫁女傳宣出宮掖  
宮掖慣聽鼓節聲教舞銜杯增  
戲劇酒狂大叫問梅花何似龔黃二千石

見鄉人程大

少年策馬辭鄉邑落魄天涯幾秋色  
三山昨遇故鄉人不問姓名應不識  
布衣拂却江海塵相看感歎念情親  
青春作客無遠近白髮從軍多苦辛  
以茲失路誰相顧我向東留子南去歸  
夢不離滄海雲邊愁遠掛青楓樹  
楓樹家林隔海天百年聚散一茫然  
簪纓故舊應誰在

萍梗江湖祇自憐  
臨歧執袂須傾倒  
明朝又別關山道  
心隨斷雁向斜陽  
愁到離憂醉芳草

程仲庸遊京口留金山

我正無心懶似雲  
那堪奔走污淄塵  
飛花岼柳偏留客  
吹浪江豚忽拜人  
玉帶暫拋煩轉語  
楞伽曾寫悟前身  
異時好說金山寺  
幾箇漁舟喚渡頻

送湯君濟赴廣西憲幕二首

湯生浩氣揭晴霓  
白馬雕鞍新鑿蹄  
試吏早從公府辟

徵書親自臬侯題江天露洗星辰濕海島風清瘴雨低  
肅若紀綱多暇日滿庭榕樹鷓鴣啼

皓月如銀老桂秋明朝催動孝廉舟天涯跋涉三千里  
嶺表承宣四十州荔子輸官供酒盞檳榔留客當茶甌  
貪泉莫試夷齊飲霜拂黃茆瘴已收

贈別林生

青天無盡碧波長百尺雲帆挂夕陽海客音書何處寄  
北風鴻雁不成行

唐文鳳詩

字子儀歙縣人  
趙府審理

題李營丘枯木圖

營丘枯木天下無  
筆端造化何榮枯  
想當磅礴欲畫際  
天為遯興神為驅  
鄧林已化防風骨  
滄海乍出珊瑚株  
良材何異徂徠產  
大用不值明堂需  
自憐形質赦斤斧  
豈歎薪爨供樵蘇  
萬牛回首力未許  
獨匠指顧心難圖  
空遺偃蹇蔽村野  
白石鑿鑿泉鳴枯  
梢似掛瘦蛇影  
亂葉恍茁乖龍鬚  
我生本是山澤癯  
隱居林樾同凡夫

昂霄聳壑日在望號雨呼風時與俱只今廊廟重締構  
梗楠杞梓當貯儲按圖工師倘所取意營目盼增嗟吁

題何養素馬圖

房星降精龍作胎渥洼之水深如杯夜飛霹靂電光紫  
良駒已產真龍媒長鳴超羣空冀北下視衆馬皆駑駘  
天生氣質難委棄萬里入貢何年來聖恩已許充內廐  
九重浩浩天門開鐵銜寶勒鏤銀汞玉鞍絲轡救玫瑰  
雖調德性閑兩服終逞逸氣凌九垓王良老去復誰御



伯樂往矣令人哀百年變化尚形迹生綃寂寞煩松煤  
求賢求駿同一理千金買骨逢奇才燕昭致禮郭隗重  
何人再築黃金臺

題李白翫月圖

長庚之星光配月何年降精生李白條向人寰汗漫游  
骨異神清本仙謫平生愛月如嗜飴老蟾流輝沁詩脾  
胸中玲瓏廣寒殿珠璣咳唾天香吹良宵醉月坐花影  
銀汞鎔階光炯炯夢咽玄霜玉兔寒露濕錦袍呼不醒

慣賒月色長安春玉環媒私力士嗔清平調新聲未絕  
樓船迫脅飛胡塵夜郎天高月黑黑忍死投荒去京國  
金雞放赦來江南采石波寬酒杯窄眼花捉月月倒懸  
翻身起舞水中天馮夷夜護叱河伯遺骸肯污飢蛟涎  
巫陽下招招醉魄帝遣歸來住蟾闕精神仍作長庚星  
萬古千秋伴圓缺

題長江萬里圖為蜀人趙中道賦

一廬老屋城南隅讀書樂道非愚夫西川有客踏秋雨

訪予手把長江圖披圖細數經行處天山白積銀為樹  
冰漸暖沁六月流雪波怒向三巴注蜀江溶溶遠紆迴  
巨靈擘破巫峽開勢雄地束不得逞直走萬丈疑奔雷  
瞿塘灩澦天下險巨石雙分銳磨剪盤渦每憂巨浸深  
冷噴猶嫌急波淺人鮓瓮頭雲結愁飢蛟晝舞寒風秋  
至喜亭邊可貰酒秣歸縣前仍艤舟荆湘蕩漾平於掌  
蒲帆箭疾飛雙槳蒼龍山露翠煙中白虹水接銀河上  
岳陽樓高明月涼仙人踏冷鶴背霜玉簫吹碎丹鳳語

寶劍拭動青蛇光洞庭茫茫接彭蠡千里相望同尺咫  
無情五老蒼顏凋含羞二姑黛鬟美揚瀾瀦瀦鄱湖寬  
水府馮夷嚴守關明珠泣墜淵客怨冰綃織就鮫人閑  
螺磯秉靈孫小女冷風倏度神巫語客回盡望江東雲  
鳥歸帶得淮南雨頃臾放棹下金陵蓬萊宮闕高峻嶒  
聖人黃衣御宸極紫霧衝霄王氣騰浪游歷記萬餘里  
愕夢驚魂幾悲喜江花江水興無涯點染丹青煩畫史  
賦詩題畫心悠然才思逸發如湧泉酒酣擊節唾壺缺

醉和少陵雲錦篇

上東門行

上東門在何所河陽城南瀍水潁舊時豪華今已空惟  
有當年一坏土聞說漢家全盛秋門前列第皆王侯朱  
輪翠轂日來往凝笳疊鼓長喧啾畫棟雕簷接宮觀十  
里香塵飛不斷天上頻頒丹詔下民間屢免田租半白  
髮老人不識兵閭闔小兒歌太平闔雞走馬尋常事豈  
有紛紛愁嘆聲乞歸二傅章初上會此公卿盛供帳道

旁觀者如雲屯雜絲從車凡幾輶韶華轉眼流星過倏  
忽荊棘埋銅駝逢萌挂冠固已矣石勒倚嘯將如何往  
事傷心難自保惆悵東門不能道君不見北邙山頭四  
五陵玉匣珠襦委荒草

白雷港

晚泊窩吟緒行行步渚沙雨添新柳耳水減嫩蒲芽烏  
鬼來漁艇青蚨付酒家微風吹短褐倚杖數歸鴉

玉階怨

夜深白玉階露下寒侵骨娉婷不欲行恐踏團圓月

題無心道人墨竹

一江疎雨翠煙迷愁結寒雲楚甸低猶憶泊舟蒼石岸  
黃陵廟下鷓鴣啼

石倉歷代詩選卷三百二十七